

## Saksgang

Utval	Utv.saksnr.	Møtedato
Kontrollutvalet		

## Kurs i regi av Deloitte første halvår 2021

### Forslag til vedtak

1. Kontrollutvalet ber om at Deloitte gjennomfører kurs innan ..... i samband med møte i utvalet 10.05.2021.
2. Kontrollutvalet tilbyr at fylkesrådmannen kan nytte 2-timar av kurskvoten, t.d. til kurs innan EØS-regelverket for offentleg støtte.
3. Sekretariatet vert beden om å ta seg av alt det praktiske med organisering, kunngjering og avvikling av kura.

### Samandrag

Tilbod og gjennomføring av kurs er med i avtalen mellom Vestland fylkeskommune og Deloitte. I denne saka vert tilboden om kurs lagt fram til vurdering i kontrollutvalet.

Hogne Haktorson  
kontrollsjef

Roald Breistein  
seniorrådjever

*Saksframlegget er godkjent elektronisk og har difor ingen handskriven underskrift*

Vedlegg  
1 Kurstilbod 2021

## Saksutgreiing

### Bakgrunn for saka

Vestland fylkeskommune valde Deloitte som revisor med verknad frå 1.1.2020. I kontrakten som er inngått går dette fram av vedlegg A Kravspesifikasjon punkt 3.3:

*«REVISOR skal leggje fram for kontrollutvalet tilbod om og gjennomføring kurs, for utvalet sine medlemmar, politisk nivå og/eller for medarbeidrarar i administrasjonen. Tema skal avtalast med kontrollutvalet ved det einskilde høve. Omfang skal reknast til 2 kursdagar pr. år, t.d. 4 kurs á 2 timer. Det må påreknaast at kursa kan måtte gjennomførast på ulike stader i Vestland fylkeskommune.»*

I tilbodet frå Deloitte punkt 2.1.1 går det også fram m.a. dette:

*«Deloitte er også opptatt av å sikre løpende kompetanseoverføring, både overfor administrasjonen i fylkeskommunen og for kontrollutvalet. Dette er noko vi legg vekt på i det ordinære revisjonsarbeidet, men også noko vi kan bidra med for eksempel i form av kurs, seminar og andre kompetansehevande tiltak.*

*Mellom anna kan vi gjennomføre kurs i fylkeskommunal eigenkontroll. Vi har god erfaring med å gjennomføre kurs og seminar om kommunal og fylkeskommunal eigenkontroll og samhandling mellom ulike aktørar i fylkeskommunen. Tilbydde ressursar har halde slike kurs mellom anna for samlingar av kontrollutvals-medlemmer frå kommunar og fylkeskommunar, som enkeltvise kurs for kontrollutval vi er revisor for, for kommunestyrer, og for kontrollutvalet til Sametinget.*

*Deloitte vil levere til Vestland fylkeskommune to kursdagar per år som ein del av fastprisavtalen.»*

### Vedtakskompetanse

Kontrollutvalet har vedtakskompetanse til å vedta gjennomføring av naudsynte kurs innan vedteke budjettramme, jf. kommunelova § 23-2 og forskrift om kontrollutval og revisjon § 2.

### Vurderingar og verknader

Det blir no lagt fram sak om kva kurs kontrollutvalet skal velga i første halvår 2021. Vedlagt følgjer Deloitte sine forslag til aktuelle kurs som kan vera aktuelle å halde for kontrollutvalet og/eller administrasjonen i Vestland fylkeskommune. Er det andre tema kontrollutvalet ønskjer å ha kurs innan kan dette diskuterast med Deloitte.

Det kan også vera føremålstenleg å spørja om administrasjonen ønskjer å nyttja noko av denne kurskvoten til kurs dei måtte ha behov for. Normalt vil administrasjonen også verta invitert med på dei kursa kontrollutvalet arrangerer.

Sekretariatet fekk e-post frå seksjonsleiar juridiske tenester, Svein Hågård, same dag som det vart halde kurs innan EØS-regelverket for offentleg støtte, med slik førespurnad:

*«Leiinga i avdeling for innovasjon og næringsutvikling ønskjer eit grunnleggande kurs i regelverket om offentleg støtte for både sakshandsamarar og leiarar i avdelinga.*

*Kan det vere aktuelt for kontrollutvalet å gjenta tilbodet frå i fjor, dvs. tilby delar av kurskvoten frå Deloitte til fylkesrådmannen?*

*Tanken er i så fall at Deloitte gir tilsette i avdeling for innovasjon og næringsutvikling ei innføring i statsstøttteregeleverket. To timer bør vere tilstrekkeleg.»*

Hittil har Deloitte gjennomført desse kursa i Vestland fylkeskommune i denne valperioden:

- Roller og rolleforståing i kommunal eigarskapsforvaltning, våren 2020
- Offentlege innkjøp 25.11.2020
- EØS-regelverket for offentleg støtte 15.02.2021

Det normale til no har vore at slike kurs har hatt ein varighet på 2 timer og at dei har vore halde i samband med eit kontrollutvalsmøte.

### **Konklusjon**

Sekretariatet tilrår at kontrollutvalet diskuterer kva kurs dei vil at Deloitte skal gjennomføre utover i 2021. Vidare vert det tilrådd at kontrollutvalet tilbyr at fylkesrådmannen kan nytte 2-timar av kurskvoten, t.d. til kurs innan EØS-regelverket for offentleg støtte.

Utvalet bør også be sekretariatet ta seg av alt det praktiske med organisering, kunngjering og avvikling av kursa